

馮氏錦囊秘錄雜症大小合參卷十二

男

乾吉佑民

海鹽馮兆張楚瞻甫纂輯

門人孫顯達惟良全較

男

乾德進脩

論咳嗽 兒科

咳謂無痰而有聲。肺氣傷而音不清。嗽謂有痰而有聲。脾
濕動而痰氣侵。咳嗽謂有痰有聲。因傷肺氣。繼動脾濕也。
然痰之標在於脾。痰之本在於腎。故有宜燥劑以消之者。
有宜潤劑以化之者。在小兒由風寒乳食者居多。宜從燥

馮氏錦囊秘錄雜症大小合參卷十二

男

乾吉佑民

海鹽馮兆張楚瞻甫纂輯

門人孫顯達惟良全較

男

乾德進脩

論咳嗽兒科

咳謂無痰而有聲。肺氣傷而音不清。嗽謂有痰而有聲。脾濕動而痰氣侵。咳嗽謂有痰有聲。因傷肺氣。繼動脾濕也。然痰之標在於脾。痰之本在於腎。故有宜燥劑以消之者。有宜潤劑以化之者。在小兒由風寒乳食者居多。宜從燥

以消之辛以豁之半夏陳皮全胡之類是也經雖曰五臟六腑皆能令人咳然必臟腑各受其邪而與之終不能離乎肺也因痰而嗽者痰爲重主治在脾因咳而動痰者爲重主治在肺以時而論之咳於春春氣上升也咳於夏火氣炎上也咳於秋濕熱傷肺也咳於冬風寒外感也以一晝夜而計之清晨嗽者屬痰火上晝嗽者屬胃火午後嗽者屬陰虛黃昏嗽者火氣浮於肺經五更嗽者食積滯於三焦肺實而嗽者必頓嗽抱首面赤反食肺虛而嗽者必氣逆虛鳴顏白殭瀉肺熱而嗽者必痰腥而稠身熱喘

滿鼻乾面紅手捏眉目鼻面肺寒而嗽者必嗽多痰薄面
白而喘毛粟腸鳴惡風多涕然嗽之爲病雖主乎肺實從
於心心氣過盛則火燥金治當抑心滋肺若脾氣虛冷則
不能相生是以肺氣不足風邪外襲痰濕內生治宜補其
脾肺若脾實中痞則熱氣上蒸治宜瀉脾清肺故心乘肺
爲賊邪肝乘爲微邪腎乘爲實邪脾乘爲虛邪肺自病者
爲正邪凡一咳卽出痰者脾虛不勝濕而痰滑也有連咳
十數聲不出痰者肺燥勝痰濕也滑者宜南星半夏之屬
燥其脾若利氣之劑所當忌也澁者宜枳殼蘇子杏仁之

屬利其肺若燥脾之劑所當忌也大抵脾氣不足則不能
生肺家之氣風邪易感故患肺寒者皆脾虛得之患肺熱
者多脾實得之若至唇縮胸陷喉有鋸聲鼻乾焦黑咳嗽
氣粗心腹脹痛者死若嗽久音啞直視手牽鴉聲腹脹喘
急多驚者必變風候而死若齁齕而聲嘶如鋸唇而皆青
項下四陷涎如膠漆口生腥臭喘甚唇縮者死至於小兒
百日內嗽名爲乳嗽肺葉尤嬌最易傷損更須急治久則
血脉貫臉兩眶紫黑或眼白紅赤如血謂之血眼當用生
地黑荳共研成膏掩於眼上則眶黑白消血隨淚出而愈



論喘 兒科

喘急者氣爲火所鬱而積痰在肺胃也。膏粱之人奉養太過及過愛小兒皆能積熱於上而爲喘咳。宜以甘寒之劑治之。脉經云肺盛有餘則咳嗽上氣喘渴心煩胸滿短氣皆衝脉之火行於胸中而作。係在下焦非屬上也。蓋雜病不足之邪起於有餘病機之邪自是標本病傳。凡飲食勞役喜怒不節及水穀之寒熱感則害人六腑皆由中氣不足故臍脹腹滿嘔喘嘔食宜皆以大甘辛熱之劑治之。又日寸口陰脉實者肺實也。肺必脹上氣喘逆咽中塞如嘔。

狀自汗皆肺實之證。右寸陰脉虛者肺虛也。必咽乾無津。少氣不足以息。然實者肺中邪氣實也。虛者肺中正氣虛也。故華佗云。盛則爲喘。減則爲枯。活人云。發喘者氣有餘也。非言肺氣盛。及有餘。乃言肺中之火盛。及火有餘也。故瀉以苦寒之劑。非瀉肺也。瀉肺中之火。實補肺也。金匱又曰。實喘者氣實。肺盛。呼吸不利。肺竅壅塞。若寸沉實。宜瀉肺。虛喘者氣短。腎虛。先覺呼吸少氣。兩脇脹滿。左尺大而虛。此腎虛症。治宜補腎。勿謂小兒無慾。腎實如稟先天不足者。尤爲真虛耳。故實則清理其上。虛則溫補其下。况上

病療下治法之要領也。然大抵初喘多屬外因，宜從標治。或因風痰壅塞者，必兼壯熱咳嗽、鼻塞、頭疼，因症治。者必兼驚厥、煩燥、身熱、足冷，因停滯脹滿者，必兼嘔吐、惡食、變臭、肚疼，因驚癰痰熱者，必兼抽掣、搐搦、而青、啼叫，因痰哮大喘者，必發秋冬暴冷、張口、擡肩，如非前症，繼諸病後，非子令母虛，即脾肺兩因，多從本治。況有短氣、少氣，似喘非喘，更難與喘同例也。諸喘久而不愈者，不妨先用劫藥一二服，即止。既止之後，因痰治痰，因火治火，可也。然喘脹二症相因，竝皆小便不利，故喘則必脹，脹則必喘。先喘

而後脹者主於肺。先脹而後喘者主於脾。經曰：肺朝百脈，通調水道，下輸膀胱。又曰：膀胱者，州都之官，津液藏焉，氣化則能出矣。是小便之行，由於肺氣之降下，而輸化若肺受邪而喘，則失降下之令，以致水溢皮膚而生腫滿。此是喘爲木，腫爲標。治宜清金降氣爲主，而行水次之。更脾主肌肉，惡濕，尅水。若脾虛不能制水，則水濕妄行，外侵肌肉，內壅溢上，因肺氣不得下降而喘乃生。此是腫爲本，喘爲標。治當實脾行水爲主，而清金次之。肺症而用燥脾之藥，則金得燥而喘愈。加脾病而用清金之藥，則脾得寒而脹。



愈甚矣。如無故喘聲陡發如鋸身不熱而目窳者鼻孔勝
助心胸俱爲開張者腹硬青筋口吐涎沫面無神色而唇
白者諸病小痊之後忽交子午時喘鳴者喘促目急黑睛
出汗印堂青色者皆爲不治其脉滑而手足溫者生脉濇
四肢寒者死經曰喘鳴肩息者脉實大也緩則生急則死
蓋喘鳴肩息者陽症也脉當實大更實大中而緩則邪氣
漸退故可得生若實大中而急則邪氣愈增病當死矣

論哮

見秋

哮喘者喉中如拽鋸右水雞之聲者是也如氣促而遠

屬不能以息者卽謂之喘。夫哮以聲響名喘以氣息言耳。
喉如鼾聲者爲虛喉如水雞聲者爲實。丹溪曰：治哮必用
薄滋味。專主於痰宜大用吐藥。吐藥中宜多用醋。不可純
用涼藥。兼當帶表散。蓋此是寒包熱也。亦有虛而不可吐
者。慎之。總是痰火內鬱。風寒外束而然。亦有過啖鹹酸邪
久腠理而致者。治法須審其新久虛實可也。

一朱姓兒三歲哮喘大作。聲聞隣里。二三日不止。身熱汗
出。一醫投以滾痰丸。利之下瀉。二三次其勢更甚。六脈洪
數。胸脇扇動。扶牀擡肩。旦夕無寧。刻粒米不能食。頭汗如



兩數日不寐。勢甚危迫。乃延余治。余曰。設矣。夫聲出於氣。喉連喘數日。下元已傷矣。今以峻利藥從食。喉下之。俟及無辜下。元更虛極矣。所以有扶肚擡肩惡候來也。今以參麥冬各一錢。五味子七粒。肉桂三分。水煎溫服。一日二劑。服後而哮聲頓減。至夜復作。次日往視。余曰。此氣少復而陰未有以配之也。乃以八味之加牛膝麥冬五味子者。內熟地每劑五六錢。桂附每劑各四分。水煎冷服。午前午後各一劑。服後而竟熟睡。醒來飲食大進。其聲悉止。次自往視。喘熱俱已。但勞力運動。喘聲微有此未還元之故也。

以生脉飲調理三四日精神全復

欵花五味子湯 治小兒久嗽

欵冬花 五味子 麻黃 馬兜鈴 杏仁

去皮炙 各二錢

甘草 炙一錢 水煎食遠服

人參寧肺湯 治小兒肺胃俱寒涎喘氣急不得安眠

人參 五味子 茯苓 白朮 陳皮 去白 甘草 炙各三錢

薑棗水煎食遠服

杏蘇飲 治小兒喘急咳嗽不止

杏仁 去皮尖炒 紫蘇子 炒 陳皮 去白 赤茯苓 桑白皮



大腹皮

半夏炒

甘草

灸各一錢

薑水煎食遠服

貝母膏

治風熱天哮

黑玄參

焙

山枝

炒

天花粉

焙

川貝母

焙

枳殼

焙

橘紅

百部

炒

黃芩

焙

杏仁

去皮尖炒各一兩

桔梗

焙

粉甘草

焙各五錢

薄荷

焙

葉七錢

蜜丸彈子大燈心湯或淡竹葉湯化下

潤肺化痰膏

大白梨

汁一斤

白茯苓

四兩乳製晒乾研極細末

麥冬

四兩熬汁

川蜜

一斤

川貝母

二兩去心研末

核桃肉

四兩去皮淨搗爛

先將梨汁熬熟次

將蜜煉熟入前藥在內再熬成膏如痰有血入童便四

見科喘哮諸方



兩在內每早空心白湯調半茶鍾服

清化丸 治肺鬱痰喘

貝母 杏仁 青黛 為末蜜和 汗丸口含噙化

千金方 治初生十日至五十日卒得嗽逆吐乳

生薑七片 桂心二錢 甘草 欬冬花 紫苑各三錢 杏仁

蜜各一錢 山梔一錢 石微火煎如飴塗唇化下

吉氏治乳齁方

天竺黃 蚌粉煨 等分研和蜜調塗乳上令吮

補肺阿膠散 治肺虛久嗽作喘



人參

阿膠 各一兩 三錢炒

白茯苓

馬兜鈴

去老梗

糯米

各五錢

杏仁

二十一粒

甘草

四錢炙

為未取二錢水煎服

定喘湯

治胸嗽無不取效

見方脉喘哮門

方脉咳嗽合參

夫咳嗽之所以累人者以其難於立止也。然欲治肺而止嗽，則益害肺。而嗽愈甚，蓋肺受病而為嗽者，必有因以殫之。治其因，則嗽自愈。若不詳所自而徒事於肺，則氣無所歸。或邪無所散，肺愈苦而嗽愈甚矣。凡傷風久而肺氣已虛，發熱咳嗽，服發散藥而嗽愈甚，或被發散太過者，當用

雜病

方脉咳嗽合參



收斂之劑補之然虛嗽有二日間嗽多吐痰白沫或惡
者爲氣虛宜六君子湯加欬冬五味子如夜嗽多口渴痰
不易出發熱爲血虛宜六味地黃料加麥冬五味子若
而脉緊者咳而羸瘦脉形堅大者咳而脫形發熱脉小堅
急者咳而嘔腹脹且泄其脉弦急者皆死不治

肺屬金射於皮毛所主者氣腎屬水主於骨髓所藏者精
氣輕浮易上而難下精沉重易下而難上此物性之自然
有肺之盛者卽熱之作也氣得而上蒸則不能下生於腎
而腎受和故治腎病必先求之於肺是清其源而滋其化